

## Рўзадор қучоқлашиши ёки ўпиши мумкинми?



19:30 / 25.04.2021 3754

هِيَ لَعَلَّ يَصِيبُ لَنَا أَلْجَرَّ نَأْ؛ هُنَّ عَلَّلِ فِي ضَرْةَ رِيَّ بَأْ نَعِ  
إِدْفِ هَاهُنَّ فُ هَلْ آسَفُ رَحَّ أَهَاتْ أَوْ هَلْ صَحَّ رَفِّ مِئْ أَلَّ رَشَّ أَبْ مُلَّ نَعَّ مَّ لَسَوْ  
هُ حَّ صَوَّ وَيَقْ هَيْ بِلْ أَوْ دُوَادُ وُبَّ أَوْ هَوَّ رُ. بَاشْ هَاهُنَّ يَدَّلْ أَوْ خَيْ شْ هَلْ صَحَّ رِ يَدَّلْ أَوْ

Абу Хурайра розияллоху анҳуда ривоят қилинади:

«Бир одам Набий соллаллоху алайҳи васалламдан рўзадорнинг қучоқлаши ҳақида сўради. Унга рухсат бердилар. Бошқа биров у зотнинг ҳузурларига келиб, сўраган эди, уни қайтардилар.

Қаралса, у зот рухсат берган киши чол экан, қайтарган шахс эса йигит экан».

Абу Довуд ва Байҳақий ривоят қилганлар. Байҳақий саҳиҳ, деган.

Шарҳ: Ушбу ҳадиси шарифда Пайғамбаримиз соллаллоху алайҳи васалламнинг баъзи шаръий ҳукмларни баён қилишда кишиларнинг шахсини ҳам эътиборга олганликлари кўриниб турибди.

Қари чол ўз кампирини қучоқлагани билан рўзасига путур етадиган даражада шаҳвати қўзғалмаслиги аниқ.

Ёш йигитнинг эса бу иш билан рўзаси очиладиган даражага етиши ва каффорот беришга мажбур бўлиб қолиши турган гап. Демак, рўзадорнинг бу борадаги ҳукми унинг ҳолига қараб белгиланади.

**مَنْ سَوَّاهُ لَعَلَّه لَيْلَى صُيَّبَنَّ لَنَاكَ؛ تَلَقَّاهُ نَعْلَهُ لَلِإِيضَرَّةِ شَيْءٍ أَنْعَنْهُ  
عَسَمَّخَالَهُ أَوْ رِبْرَالٍ مُكَلِّمًا نَاكَ وَهُوَ رَشَابِيٌّ وَلَبَّ قِي**

Оиша розияллоҳу анҳодан ривоят қилинади:

«Набий соллаллоҳу алайҳи васаллам рўзадор ҳолларида ўпар ва қучоқлар эдилар. У зот ичингизда шаҳватига энг молики (жиловловчиси) эдилар».

Шарҳ: Демак, бу масалада шаҳватни жиловлай олиш асосий меъёр ҳисобланади.

Уламоларимиз ушбу ва бошқа ҳадисларни далил қилган ҳолда «Рўзадор одам иложи борича бу ишлардан узоқ бўлгани маъқул», дейишади.

***«Ҳадис ва ҳаёт» китоби асосида тайёрланди***